

Diskusi ICT



Bersama **FIRKHAN**
sembangict@yahoo.com

Pindah fail ke komputer riba

BAGAIMANAKAH cara untuk membuat pemindahan fail daripada komputer riba yang menggunakan sistem Windows ke komputer tablet, iPad?

- MIN, Lanchang.

Ada beberapa cara yang boleh digunakan untuk pemindahan fail daripada komputer riba ke komputer tablet atau sebaliknya. Sedia maklum, bagi komputer tablet seperti iPad tidak mempunyai sambungan berasaskan USB yang digunakan untuk menghubungkan sesuatu komputer dengan storan luaran seperti pemacu storan *USB Pen Drive*.

Seterusnya di bincangkan beberapa kaedah pemindahan fail yang boleh digunakan.

1 Penggunaan Aplikasi pemindahan fail
Bagi aplikasi yang khusus untuk iPad boleh digunakan aplikasi iTunes. Namun begitu, aplikasi ini mempunyai pilihan yang sangat terhad. Pemindahan beberapa fail untuk iPad boleh dilakukan tetapi hanya jika fail yang dikongsi itu menyokong aplikasi iTunes. Bagi membuka atau melihat fail yang dihantar itu hanya boleh dibaca oleh aplikasi tertentu sahaja.

Jadi, sambungkan komputer iPad ke komputer riba. Kemudian, buka aplikasi iTunes, klik pada *Devices*, klik pada iPad, klik pada Apps dan gelungsur ke bawah untuk capai fungsi *File Sharing*.

Antara aplikasi lain yang boleh digunakan adalah seperti aplikasi *AnyTrans*, *FileBrowser*, *iTool*, *iExplorer* dan lain-lain.

2 Penggunaan aplikasi e-mel
Cara yang paling cepat dan paling mudah untuk melakukan ini adalah menerusi e-mel tetapi sangat terhad dari segi kapasiti saiz failnya biasa dalam sekitar 20 MB. Tidak sesuai digunakan untuk pemindahan fail bersaiz besar seperti fail video dan lain-lain.

3 Penggunaan aplikasi storan berasaskan awanan

Penggunaan aplikasi storan berasaskan awanan adalah cara yang terbaik dalam pemindahan fail daripada satu komputer ke komputer lain. Saiz fail yang dibenarkan dalam aplikasi ini juga terhad bergantung kepada aplikasi yang digunakan tetapi lebih besar daripada saiz fail yang dibenarkan menerusi e-mel.

Antara aplikasi storan berasaskan awanan adalah seperti aplikasi *Dropbox*, *SkyDrive*, *iCloud* dan lain-lain.

Antara cara lain yang boleh digunakan adalah penggunaan aplikasi berasaskan FTP (*Files Transfer Protocol*), penggunaan kabel sambungan yang membolehkan storan luaran berasaskan USB disambungkan ke iPad dan penggunaan storan luaran tanpa wayar yang boleh menghubungkan dan pemindahan fail ke iPad.